

**Tra le mazere del mio paese**

Intorno al mio paese xe tante campagne, casite e mazere. Le mazere xè dei mureti che segnari i confini de le campagne. I contadini lavorava con la spasiensa e fatica le campagne e tuti i sasi che i trovava o che arando i mureti vegniva fora de la tera i li ingrumava e i faseva le mazere senza la malta. A solo coi sasi mesi uno sor all'altro con intelligenza perché i sasi se devi "ligar" uno con l'altro se no casca tuto. Mio nono me ga dito che su le mazere se faseva anche le finestrele serade de la parte che el paron d'oro gaveva la campagna cusì se saveva chi che iera el paron de la masera.

Una volta quasi tuti i omi andava in campagna ogni giorno perché i iera contadini e i faseva tanta fatica per poder darghe de magnar a la famiglia.

„Tra quele mazere xe cascà tanto sudor. " ga dito mio nono.

Se andava in campagna col caro e coi sameri o coi muli, pochi iera quei che gavava i cavai. Se lavorava la piantada, i olivi, se piantava le verdure, se seminava el gran, l'orzo, se sfalsava, se portava el ledame in campagna...El lavoro del contadin iera duro e no gavava mai fine, in ogni staion iera sempre cosa far da la mattina a la sera. Per lo più anadva in campagna i omini e le done o i fioi ghe portava el pranso a pie.

Le done andava in campagna co iera de tirar via le foie in piantada, le andava a vendemiar o a "colzi".

Mio nono che de picio andava sempre in campagna el me ga dito che el coreva discalzo per i "limidi" e le campagne e niente non ghe intrigava e no ghe faseva mal, el iera bituadao.

Un giorno el voleva grumar le "gambale" de un rovo che creseva subito de drio de la mazera. El se ga rampigà sora la mazera, el ga slità con tuti i sasi in tera e cusì el la ga "sgurbada".

Anche le pegore che andava de una campagna a l'altra per pascolar le sgurbava tante volte la mazera.

Un giorno quando che mio nono xe andado in campagna col caro e coi sameri el ga visto de lontan due scarbianchi, grose bise nere, che i stava in meso de la campagna con le teste in su, pareva che i stava in pie pronti per far barufa.

Co xe rivà lui i xe scampadi nei busi de le mazere. ¶

Anche mia sia li ga visti in meso al limido. Per scampar la ga perso i socoli de strasa con la goma de soto che ghe gavava fato sua mama. ¶

Ogi la vita xe cambiada; tanta campagne xe in bandon e no se lavora più la tera come una volta. ¶

Anche tante masere xe sgrubade e mio nono ga dito che ghe dispiasi tanto perché i nostri veci ga sudado e faticado per farle. ¶

Tuto sto lavoro e sta fatica merita rispetto perché xe una grande richesaga che i nostri veci ne ga lasà in eredità. ¶

¶

¶

¶

¶

¶

¶

¶

¶

¶

¶

¶

¶

¶